

**Marloriaammik akileraannginnissaq pillugu
danskít kalaallíllu isumaqatigiissutaannut
ilassutitút isumaqatigiissut**

Aningaasarsianit pigisaníllu marloriaammik akileraannginnissaq siunertaralugu kíisalu akileraartarnermi sulíassani ikioqatigiinnissaq pillugu danskít naalakkersuisuisa Kalaallíllu Nunaata naalakkersuisuisa isumaqatigiissutaannut 18. oktober 1979-imeersumut ilassutitút isumaqatigiissut.

Danskít naalakkersuisuisa Kalaallíllu Nunaata naalakkersuisuisa makku isumaqatigiissutigaa:

Allaaserisáq 1

Aningaasarsianit pigisaníllu marloriaammik akileraannginnissaq siunertaralugu kíisalu akileraartarnermi sulíassani ikioqatigiinnissaq pillugu danskít naalakkersuisuisa kalaallíllu naalakkersuisuisa isumaqatigiissutaanni 18. oktober 1979-imeersumi allaaserisáq 4 naapertorlugu inunnut akileraartarnikkut Kalaallit Nunaanni angerlarsimaffeqartunut, danskít soraarnerussutisiaqalernissamut imaluunniit inuunermut sillimmasiisarfiini soraarnerussutisiaqalernissamut aaqqíssuussinernik ingerlaavartumik tunniussiviusartunik pilersinneqarsimasunik Kalaallit Nunaannut nuussinermi tamanna soraarnerussutisiaqalernissamut ileqqaakkat akileraaruserneqarnissaannut inatsimmi immikkoortoq 1 naapertorlugu tunniussinertut akiliinertulluunniit isigineqassanngílaq. Tamatumunnga píumasaavoq soraarnerussutisiaqalernissamut aaqqíssuussinernut pineqartunut akiliutit Danmarkimi ilanngaatigitinneqarsimannginnissaat imaluunniit sulísitsisup aaqqíssuussinernut akiliutaasa aningaasarsianut ilanngunneqartussaannngitsutut isigineqarsimannginnissaat. Aammattaaq píumasaavoq Kalaallit Nunaannut nuussinerup kingusinnerpaamik ullormi 31. december 2007-imi pínisaa.

Allaaserisáq 2

Imm. 1. Ilassutitút isumaqatigiissut manna atortuulissaaq ullormi peqataasut tamarmik atsiuiffianni.

Imm. 2. Ilassutitút isumaqatigiissut síusinnerpaamik atuutilissaaq ullormi danskít Folketingiata isumaqatigiissummik akuersissuteqarfigisaani.

Imm. 3. Ilassutitút isumaqatigiissut atortuulerpoq 1. januar 2004 aallarnerfigalugu.

Allaaserisáq 3

Ilassutitút isumaqatigiissut manna atuuttuassaaq isumaqatigiissut 18. oktober 1979-imeersoq atuutsillugu.

Ulloq 17. juni 2004-mi Københavni suliarineqarpoq, danskisooq kalaallisoorlu marlunngorlugit, taakkulu oqaasertaat naligiimmik atuussuseqarput.

Kalaallit Nunaata naalakkersuisui sinnerlugit

Danskít naalakkersuisui sinnerlugit

Josef Motzfeldt

Svend Erik Hovmand